

MEMORIA XUSTIFICATIVA E ECONOMICA DA S.A. DE XESTION DO PLAN XACOBEO RELATIVA AO CONVENIO DE COLABORACIÓN COA ASOCIACIÓN JACOBEO DE JAEN.

PRIMEIRO.-

1.- Constitúe o obxecto da Sociedade, entre outras as seguintes actividades

- As relacións coas asociacións de amigos do Camiño de Santiago.
- A coordinación de actuacións específicas relacionadas coa cultura xacobeo, en especial, as exposicións, así como a execución das encomendas de xestión que se poidan realizar nestas materias.

A S. A. de Xestión do Plan Xacobeo considera esencial e imprescindible o labor das Asociacións de Amigos do Camiño de Santiago en orde a potenciar os itinerarios xacobeos, a información aos peregrinos, os programas de voluntariado como hospitaleiros nos albergues, a promoción da cultura xacobeo e todo aquilo que redunde en beneficio do Camiño de Santiago e dos peregrinos.

O Camiño de Santiago reúne unha rica experiencia histórica e a vivencia intercultural contemporánea nun excepcional escenario natural, patrimonial e humano. Ao longo dos séculos o Camiño de Santiago consolidou unha amplísima rede de itinerarios que abrangue toda Europa e España e que ten como meta a Catedral de Santiago de Compostela, en definitiva Galicia.

Que a Asociación Jacobeo de Jaén ten entre os seus fins:

- *Fomento, promoción e defensa da peregrinación xacobeo tradicional, en todas as súas dimensións, especialmente nos seus compoñentes espirituais e humanísticas.*
- *A axuda e protección ao peregrino xacobeo.*
- *A defensa do patrimonio cultural xacobeo, en todos os seus ámbitos, e o dos Camiños tradicionais de peregrinación a Santiago.*
- *Integrar a cantas persoas estean interesadas na conservación, defensa e promoción do Camiño de Santiago.*
- *Iniciar os proxectos necesarios para abrir unha vía de peregrinación hacia Santiago, que unirá Jaén con Camiño Mozárabe.*

Entre as diversas actuacións que promoven están: informar e apoiar aos peregrinos que o demanden; promover todo tipo de actividades socio-culturais sobre o Camiño de Santiago; actuar diante dos órganos da Administración competentes e institución para a defensa e conservación do patrimonio cultural do Camiño de Santiago; organizar marchas e excursións de todo tipo para a preparación e coñecemento directo dos distintos tramos xeográficos do Camiño de Santiago; iniciar a sinalización da ruta xacobeo entre Jaén ata Alcaudete; velar polo axeitado funcionamento dos refuxios e albergues para peregrinos que existen ou poidan existir neste traxecto; etc.



A Asociación Jacobea de Jaén leva adiante a súa finalidade de divulgación, defensa e promoción do Camiño de Santiago mediante a celebración de diversas actividades. Para este ano 2016 ten prevista, entre outras actividades, a celebración das I XORNADAS XACOBEOAS UNIVERSITARIAS DE ANDALUCIA, concretamente os días 19 e 20 de Febreiro deste ano 2016.

Este evento está dirixido a calquera tipo de persoa, pero especialmente á xente universitaria e nova, comporase de dúas xornadas nos cales se falará de catedrais, peregrinos e calquera tipo de historias relacionadas co Camiño de Santiago, abrigo cos Camiños Mozárabes ou camiños do sur da península.

O programa é o seguinte:

Primer día

10,00 h.: Inauguración

11,00 h.: Ponencias. Modera: Prof. Dr. D. Felipe Serrano Estrella Profesor Titular. Área: Hª del Arte Dpto.: Patrimonio Histórico. Universidad de Jaén

* Prof. Dr. D. Pedro Galera Andreu. Catedrático de la Universidad de Jaén. Área: Hª del Arte Dpto.: Patrimonio Histórico: “Jaén, un alto en el Camino Mozárabe”

* D. Raúl Manchón Gómez. Profesor Titular. Área: Filología Latina Dpto.: Lenguas y Culturas Mediterráneas. Universidad de Jaén: “Latin, lengua de los peregrinos medievales”

* D. Isidro Rodríguez Rodríguez. Presidente de la AACs– Camino Mozárabe de Córdoba. Licenciado en Geografía e Historia: “El Gran Capitán: caballero – peregrino”

14:30: Almuerzo de las Tres Culturas “Árabe, Judía y Cristiana”

16:30h: Proyección del Documental “WALING THE CAMINO”

18,30 h. Club de las Letras con el escritor Jesús Sánchez Adalid, autor del libro “Camino Mozárabe”

Segundo día

08:30h: Camino Mozárabe - Salida de la Plaza de Santa María. (KM.0 del Camino Mozárabe de Jaén) 1ª ETAPA: Jaén—Martos (21km)

Con estas actividades a Asociación Jacobea de Jaén pretende unha maior visualización do Camiño e da cultura xacobeas, en consecuencia, de Galicia, pois o Camiño de Santiago é un conxunto de itinerarios históricos de impacto cultural e económico de primeiro orde cuxa meta, en todos os casos, é Galicia. Polo tanto estas actividades fomentarán o propio Camiño e a súa difusión, neste caso especialmente no ámbito universitario que forma parte dos principais obxectivos do noso Plan Estratéxico.

A colaboración iniciada no ano 1992 pola S.A. de Xestión do Plan Xacobeo para a difusión das rutas xacobeas coas Asociacións de Amigos do Camiño de Santiago, instaladas tanto dentro coma fóra do territorio galego converteuse, co paso dos anos, nunha ferramenta imprescindible para fomentar a chegada de peregrinos que, á súa vez, impulsan o desenvolvemento económico e social de Galicia. Estas entidades son as principais prescriptoras e informadoras dos futuros peregrinos, distribuindo cada ano, nos cinco continentes, milleiros de credenciais, folletos informativos, etc., que



teñen en todos os casos a Galicia como meta. Como é fácil comprobar en decenas de webs e redes sociais realizan estas accións sen custe para a nosa Comunidade Autónoma, maila concentrarse aquí os tramos finais de todas as vías xacobeas e a meta das mesmas.

Manter esta colaboración coas Asociacións do exterior de Galicia é fundamental para asegurar o fluxo de peregrinos xa que o espazo físico do Camiño, tanto na historia como no presente, ten unha dimensión que transcende o ámbito galego, español e europeo. Así queda acreditado no número de peregrinos que cada ano acoden a Compostela.

Por todo o descrito, as referidas actuacións que se desenvolverán dentro do ámbito de vixencia deste Convenio, encaixan no marco das relacións coas Asociacións de Amigos do Camiño de Santiago que ten encomendadas esta Sociedade Anónima, non sendo posible promover a concorrência pública, dada a especificidade do programa e a natureza da Asociación única no seu ámbito territorial.

Ademais este convenio cumpre cos criterios obxectivos de selección sinalados no Plan Estratéxico, en concreto:

a/ criterios xerais

- É un proxecto tecnicamente completo, pois a documentación que se achega xustifica suficientemente a súa formulación.
- O proxecto é viable, tanto en termos de execución económica como social.
- Realízase a difusión e promoción do Camiño de Santiago
- Se contempla a difusión dos resultados acadados ante a opinión pública, contribuíndo deste xeito ao labor de sensibilización ao redor do Camiño de Santiago.
- A Asociación conta cunha ampla experiencia que garante a súa capacidade técnica, organizativa e de xestión para levar a cabo o proxecto a realizar.
- O apoio a esta Asociación redunda de maneira efectiva na conservación, recuperación e difusión do Camiño de Santiago e da cultura xacobeas especialmente na provincia de Jaen no chamado Camiño Mozárabe
- Este colectivo realiza un meritorio labor arredor da sinalización do Camiño e da promoción de albergues para os peregrinos como o que xestiona na localidade de Martos

b/ criterios específicos:

- A Asociación de Amigos Jacobea de Jaen posúe un número socios en torno ás 200 de persoas espalladas por ese territorio.



- A implantación da Asociación no territorio da provincia de Jaén está moi consolidada. O seu labor de conservación e sinalización do Camiño nese territorio é amplamente recoñecido.
- Esta Asociación co seu amplo labor e coas súas numerosas actividades contribúe notablemente ao incremento do fluxo de peregrinos desa provincia e por extensión da Comunidade Autónoma de Andalucía, que ocupa un dos primeiros lugares de afluencia e peregrinos é cómpre manter.
- Esta actividade incide nun dos ámbitos prioritarios para o Plan Estratéxico como é a inserción do Camiño de Santiago no ámbito universitario.

O orzamento da actividade a financiar ao abeiro deste convenio é o seguinte:

Concepto	Importe
Paneis e Cartelería	481,50
Cartafol e material de papelería	260,15
Tripticos e Diplomas das Xornadas	641,30
Acreditacións para Xornadas	217,80
Total	1.600.75

A S.A. de Xestión do Plan Xacobeo aboará a cantidade de 1.100 euros coa finalidade de ser atendidos parte dos gastos xerados con cargo aos orzamentos do ano 2016 e na conta contable 627 que se distribuirán segundo o exposto anteriormente. A achega so cubrirá o custe para o desenvolvemento das actividades sen que a Asociación poida obter beneficio algún polo mesmo.

A través deste convenio de colaboración establécese unha achega monetaria sen contraprestación da S.A de Xestión do Plan Xacobeo, o que se axusta á figura xurídica privada da doazón modal e que debe suxeitar aos principios de xestión contidos no artigo 5.2 e aos de información a que fai referencia o artigo 16, ao abeiro do disposto no artigo 3.2 da Lei 9/2007, do 13 de xuño, de subvencións de Galicia.

Así mesmo, e como quedou exposto máis arriba, a subscripción deste convenio e a achega que con él se obriga a realizar a S.A. de Xestión do Plan Xacobeo garda relación directa co obxecto da actividade contido nos seus estatutos.

En Santiago a 10 de outubro de 2016

Rafael Sánchez Bargiela
Director-Xerente